

韶舞九成乐 补

余
载

文硕阁

wenshuoge.com

目录

关于我们	3
提要	5
韶舞九成乐补原序	6
韶舞九成乐补	8

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望可以帮助有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨案韶舞九成乐补一卷元余载撰载始末无考惟据其进书原序自称三山布衣前福州路儒学录又据其门人新安朱模进乐通韶舞补略序知为文宗天历中人其字曰大车以养亲辞官笃行授徒自甘嘉邈而已是编文渊阁书目着录世无传本惟永乐大典所载编帙犹完首为九德之歌音图次为九德之歌义图次为九磬之舞缀兆图次为九防之舞采章图其歌图以五声五言相配所谓平浊平清者与沈约徐景安分平声为上下以配五音者异【沈约说见米芾画史徐景安说见王应麟困学纪闻】与司马光刘鉴诸家以喉舌唇齿牙配五音者亦异又以六律六吕分用与诸家乐书以十二律相生之次为旋宫七音之次者尤截然不同然考周德清中原韵所谓阴平阳平即载平浊平清之说也周官大司乐郑元注所谓六律合阳声六吕合阴声即载律吕分用之说也则虽自出新意亦不为无据至于准大衍之数以制河图准太乙行九宫法以造洛书皆起于陈以后后夔典乐之日实无是文载所定舞图皆根河洛以起数尤不免附会牵合然数不外于奇偶奇偶不外于阴阳易道广大事事可通亦未始不言之成理束皙之补六诗皮日休之补九夏不必其定合于古要犹存古义于万一终胜于侧调么导欲增悲者也则载是书亦不妨存备一说矣其书屡经传写误字多如音图第八章至哉坤元之坤字据后义图应在第八格而旧本误在第七格又如缀兆始成图中层左右皆阙两位据舞用八佾当得六十四人不应再成以下皆六十四始成乃止六十且复缀即始成之位次后章采图内亦各有黄衣二人之位则此国之佚脱显然今并校正使复其旧其以朱圈墨圈记舞人之位者亦间有淆乱并厘正焉乾隆四十六年九月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

韶舞九成乐补原序

臣愚以一介寒微生长遐左首戴皇元之天足履皇元之地目瞻皇元之日月气体霑被皇元之风雨霜露谷粟其腹韦布其身环堵其居庠序其防者凡四十有七年无非我国家煦乳轂育载生载成之赐幸而目不蒙瞽耳不填聵精尝学问颇有识知矻矻穷年剔经搜史去非即是援古徵今钦惟我元抚应运期奄有区防道德隆厚际穹蟠壤旁覃罔极猗欤休哉圣祖神宗继继承承武功通兴文治随洽加之吾皇以正统膺图以神孝格天左臯右高前夔后龙都俞吁咈四方风动是以薄海内外同条共贯氓俗丕变允升大猷时雍之治侔诸隆古无所与让臣愚窃谓国家积德百年礼乐可兴千载亨嘉适际今日矧为士者冠章衣逢名不混于农工商贾之版位得承于公卿大夫之下有养有造弗鄙弗遗是则防国家之休惠德至渥也是宜夙兴夜寐研精覃思凡其矢口而言肆笔而书苟有以裨圣神扬光烈者知无不为庶几得以涓埃海岳之万一又况孔子之道裁自圣心布在方册高贤服膺先正讨论坦明详委文有足徵者哉昔孔子以四代礼乐答颜渊为邦之问其一曰行夏之时二曰乘殷之辂三曰服周之冕四曰乐则韶舞夫书纪三正奚独夏时哉而曰必是之行者盖取其时令之正也礼盛玉辂诗存黼黻奚独殷辂周冕哉而曰必是之乘之服者盖取其质文之中云咸英茎章夏濩武无一非乐又岂惟韶舞哉而曰必是之为乐者抑亦取其功德之实既尽善而又尽美也仲尼斟酌四代之典而适厥中以为百王不易之大法然当是时明王不兴空言无施虽当何补繇秦汉而下厯魏晋隋唐金宋以来千数百载之余孔子之道不明不行天下贸贸莫知所适四代礼乐盖斩焉堙灭无传无足怪也先儒非不淳诲如时君世主之藐听何天启皇元上接羲农轩昊尧舜之统累功积德本仁祖义其于禹之入圣域而不优汤武之德未免于慙者尚置勿论也列圣稽古皇上折衷惟孔子之道是信是崇四代之礼乐盖亦尝推求讲贯而得其三矣臣愚窃谓一人当宁明堂大开在玳衡而窥黜度谨殷正而授人时斯则无患夫夏时之不行矣载云旂而防华盖动大辂而遵皇衢斯则无患夫殷辂之不乘矣垂旒蔽明而黻纁塞聪前圆法天而后方象地斯则无患夫周冕之不服矣撞夏后之钟建成周之簠奏女娲之笙簧播燧人之歌陈葛天之舞似亦毋屑夫乐之必韶舞也臣愚窃谓我元之德如天之无不覆帔如地之无不持载如日月之无不照临如风雨霜露之无不渐涵发育是虽有虞之治大舜之德奚以侈兹诚宜远尊孔子之训备用韶舞之乐圣明在上有志复古夏时既行殷辂既乘周冕既服则韶舞之必可作无疑也国家何憚而久不为此昔孔子在齐闻韶音学之三月不知肉味曰不图为乐之至于斯盖孔子以心防心于千载之上舜以诚感诚于千载之下前圣后圣异世同符不然则何以极其情文之备而不觉其叹息之深如此哉呜呼大舜远矣孔子不复作矣有虞氏之书其不犹有幸存而未泯者乎若夫曼击鸣球搏拊琴瑟下管鼗鼓合止祝敔笙镛以间斯则韶之器也六律五声八音在治忽以出纳五言斯则韶之意也诗言志歌永言声依永律和声八音克谐无相夺伦斯则韶之音也直而温宽而栗刚而无虐简而无傲斯则韶之教也股肱起哉元首喜哉百工熙哉元首明哉股肱良哉庶事康哉斯则韶之文也祖考来格虞实在位羣后德让鸟兽跄跄凤凰来仪斯则韶之功效也至曰人心惟危道心惟微惟精惟一允执厥中斯又韶之所以存心而出治只载而见夔夔斋栗斯又韶之所以敬身而隆孝德惟善政政在养民水火金木土谷惟修正德利用厚生惟和九功惟叙九叙惟歌斯又韶之所以阜物而殷民地平天成万世永赖斯又韶之所以仁天下而泽后世臣愚窃不自揆是以忘其固陋沉潜反复盖二纪于兹一旦恍然似有以得夫韶之要领然后乃敢考图籍书

订度审数谐之律吕被之金石匏 繄欲上为国家纂叙遗文铺扬景铄声金振玉始调终理
宣协风气谐和神人顾愚何人敢任是责智小而谋则大位卑而言则高僭逾之辜虽欲追之
其将能乎然而畎亩愿忠之志夙夜靡懈之忱譬则葵藿之倾太阳川渎之朝钜海抑曷胜其
拳拳也哉或者得以愚之所定著者贡诸天朝藏诸天府近裨皇元一代圣明之制作遂举隆
古帝王希旷之典章兹又夙昔区区之至望伏惟圣明特与留神垂睿俯鉴而遂烛焉古道幸
甚天下幸甚三山布衣臣前福州路儒学录余载谨三薰九沐顿首顿首敬拟颺俟采择贡呈
不胜瞻天乐圣激切屏营之至

韶舞九成乐补

【按坤字据后义图应在第八格林钟律位原本误在第七格今改正】

九德之歌义图二

右按虞书舜典曰予欲闻六律五声八音在治忽以出纳五言汝听韶之要领斯言足以蔽之矣夫律之数通十有二何谓欲闻六律而已哉盖十二之中阳律六为六律陰律六为六吕详舜之所言是知韶之为乐当用六律则不用六吕明矣知韶之为乐当用六律则不用六吕斯又知韶之为乐当用六吕则不用六律亦明矣何者十有二律还相为宫而迭奏不同借以黄钟为宫则太簇为商姑洗为角蕤宾为徵夷则为羽无射为变宫是非当用六律而不用六吕而何借以大吕为宫则夹钟为商中吕为角林钟为徵南吕为羽应钟为变宫是非当用六吕则不用六律而何当用六律而不用六吕则子寅辰午申戌六阳用事之时也六陰盖无与焉当用六吕而不用六律则丑卯己未酉亥六陰用事之时也六阳盖无与焉今而后知帝舜之德音后夔之制作所以与天地同和其视周人作大武左阳倡三律则以黄钟为之宫太簇为之商姑洗为之角右陰和三吕则以林钟为之徵南吕为之羽应钟为之变宫职于周礼大司乐之官而着其文者异矣繇此观之又知韶之用六律者倡阳和阳阳主发育和煦极揖逊之至情武之用三律协三吕者倡阳和陰陰主擎斂肃杀寓克伐之微意此韶之所以为尽美又尽善武之所以为尽美而未尽善也坎噫韶主德武主功周公制作之懿非不能与后夔匹休俪美而终不敢使武与韶同其精意又从而可规已 或曰何谓六律五声在治忽以出纳五言曰五声有正声有协声五声之占五律者指正声而言之也五声之通六律者包正协二声而言之者也夫五声苟有正而无协则琴瑟专一谁能听之 或曰在治忽以出纳五言何也曰治与乱对忽与敬对言治不言敬治者敬之效善必积而后成也言忽不言乱忽者乱之萌恶虽小而可惧也有虞之庭元首股肱之賡歌其曰明良喜起云者所谓在治以出纳五言者也其曰丛脞惰堕云者所谓在忽以出纳五言者坎如舜作歌则出五言者也皋陶賡歌则纳五言者也又如九叙惟歌则纳五言者也劝之以九歌是又出五言者也 又曰何谓五声宫商角徵羽是已何谓五言平浊平清上去入是已平浊即宫平清即商上即角去即徵入即羽今之韵书有平上平下而无平浊平清者非是所谓宫商濶淆者也有上有去有入是则角徵羽三者之所配者居然可见已今定着为平中上去入以平代平浊而配宫以中代平清而配商斯二者以义起而当者也继是则以上配角以去配徵以入配羽悉从其旧而无庸变置云或者求五言出纳而不得其义遂以五言为五方之言其亦昧所由来而拟之以臆度之说坎噫求言必自近易于近者非知言者也 又按虞书益稷曰戛击鸣球搏拊琴瑟以咏此堂上之乐也曰下管鼗鼓合止祝敔笙镛以间此堂下之乐也曰箫韶九成斯又堂上下合乐之余而兩阶之间干羽之舞亦备举以终也其曰箫者与箛同舞者所执所以动其容也曰韶者与防同盖兼舞容乐节而命之名不惟有以动其容亦以发其声也 又曰精一执中斯则圣人之心所以宰

万化也善政养民修和府事斯圣人之仁所以覆天下也元首股肱明良喜起斯则君臣上下所以一于恭敬而更相规戒也是皆韶乐之本文也无偏无陂遵王之义以至于防其有极归其有极斯则一人立标准于上胥教诲于下意者大夏之遗声商人传之见于周书补韶之阙不亦宜乎若夫孔子赞乾坤之彖传【按前引易辞系彖传误作文言原本此文言字仍误今改正】备元亨利贞之四德抑且明圣人之德与干无以异然则赞干者以郊赞坤者以社赞圣人者以庙且以配天焉宁不谓建诸天地而不悖质诸 神而无疑者乎然则孔子所以赞乾坤之言诂非圣人制作之神圣工巧深有待于今日我皇元隆平雍熙之盛世欤至若孔子师表百王仪刑万世历代之所崇褒藏祀未有若我元之盛者也然今之孔庙所用乐歌顾乃因袭宋人之旧大非所以立圣明一代之制而合诸古者帝王不相沿乐之义窃观圣孙子思子之所称赞而见于中庸者可谓极乎盛德形容之美或者朝廷命官藏祠之际采而被之八音协之五声六律诚足以补古今千有余载希旷之典合是数者而观之九德之歌亦庶乎其可以备言矣惟圣神留意焉

九防之舞图一 缀兆

九防之舞图二 采章

右九防之舞义曰夫风气之被物必有自然之声亦必有自然之容自然之声之感夫物则凡为物者皆有是声矣自然之容之感夫物则凡为物者皆有是容矣是故古者圣人之乐既有钟磬筦 之声则必有手足舞蹈之容声不徒声必有所以声其声之原容不徒容必有所以容其容之本则其宫商徵羽之入乎人耳者足以流通精神屈信揖讓之接乎人目者足以动荡血脉仁以渐之义以摩之礼以节之无非乐以和之之所极教化其有不行于上风俗其有不移于下矣乎嗟夫唐虞三代之乐不可得而复见之矣声容之本末不可得而复考之矣若然则今之可以义起者其惟图书乎夫图书者天地自然之文初非若古之所谓帝德王功云者毅然可以颞于一代而不能行乎万世者比也泄之于前所以拟之于后晦之于昔所以显之于今此天意也臣愚不敏请得以畧陈其义可乎夫手舞之容象河之图足蹈之容象洛之书戴天圆而履地方也舞不逾五播五行也蹈不越九历九州也复缀则十天包地阳统陰也既瞻前复顾后正中则向偏则背也中正不倚俯仰无忤也左右迭为屈信奇耦相为生成也舞左蹈左舞右蹈右图书相为经纬也每缀踞而戒事静极而动也乱而皆坐动极而静也舞蹈皆作之三行缀亦達之三才之道也行缀之间左前则右后右前则左后旒缀而绳直也其踞其坐一小成也其作其止一大成也其作也稽首而后拜三其止也拜而后稽首三敬以成始敬以成其终也